

ԵՂԵՌՆԱՊՈՒՐԾ ՄԱՍՈՒՆՔ.
ՎԱԿԵՐԱԳԻՐ ՎԿԱՅՈՒԹՅՈՒՆ
ԿԱՐԻՆԵ ԱՎԱԳՅԱՆ

Պատմագրության յուրօրինակ սկզբնաղբյուրներ են քանգարանները, ուր մուտք գործած յուրաքանչյուր առարկա ակընկալում է բազմակողմանի և ճշգրիտ արժեվորում: Թանգարանային ցուցամուշների շարքում կան նաև եզակիները՝ որոնք դադարում են առարկա լինելուց, դառնում են պատմական փաստերի, իրողությունների վկա ու հիմնաղբյուր: Նման մի մասունք է Հայաստանի պատմության պետական քանգարանի ՆՊՖ-948 համարի փաստավավերագիր ուլունքաշար համրիչը, որի 99 հատիկներին առկա են Հայոց Մեծ եղեռնի առաջին իսկ՝ ապրիլի 11/24-ի Պոլսո հավաքի և Անատոլիայի Չամղորը աքսորավայր քշված մտավորականների ազգանունները, երբեմն միայն անունները: Այն փորագրել է 71-րդ հատի անվանակիր մուխթար Վարդերես Աթանասյանը, Հայոց մայր քանգարանին է նվիրել ճահատակի Փարիզից հայրենադարձված դուստրը՝ Էժենի Աթանասյան-Գյուլբույանը: 55 և 86-րդ հատերին փորագրված է նաև 2 և 4 թվերը, որ նշանակում է 2 և 4 անձ. ասել է՝ համրիչը վկայագիր է 103 աքսորականի վերաբերյալ: Առաջին անհամաչափ հատին արձանագրված է «Չամղորի 1915, Ապրիլ 11, Յիշատակ»: Այլ՝ համրիչի հատերից յուրաքանչյուրին փորագրված են աքսորյալների անվանումները: Ահա այդ անվանացանկը՝

1. Կոմիտաս Վ., 2. Յովհան Վ., 3. Քաջունի քինյ., 4. Ճեվահիր-ճի, 5. Ռ. Սեւակ, 6. Մխքճեան, 7. Թօփճեան, 8. Վարդան քինյ., 9. Գ. Ճէլալ, 10. Գազազեան, 11. Թորգոմեան - բժիշկ, 12. Պողոսեան, 13. Տինանեան, 14. Միրզա, 15. Ալթունեան - առամնարույժ, 16. Կիլիստան, 17. Չարեհ, 18. Եզնիկ, 19. Ասատուր Վ. - դեղագործ, 20. Մանիկեան, 21. Չարիֆեան, 22. Մխքճեան, 23. Հաճեան, 24. Ղազարոս, 25. Թերզեան, 26. Նշան, 27. Նարկիլճեան, 28. Արսենեան, 29. Դանիէլեան Պ. - փագտաբան, 30. Չերազ, 31. Մովսէս, 32. Տ. Քէլէկ - խմբագիր, 33. Բ. Քէչեան, 34. Թօփճեան, 35. Անտոնեան, 36. Թօլայեան, 37. Շահնուր, 38. Ս. Սրենց - ուսուցիչ, 39. Խօճասարեան, 40. Վարուժան, 41. Շամոտանճեան, 42. Չափուշեան, 43. Թապագեան, 44. Տխրու-

* Համարակալումը՝ 1-99, մեր կողմից կատարված է անվանակիրներին վկայակոչելու նպատակով: Այստեղ և ներքո անվանումները բերված են ըստ սկզբնաղբյուրների ռադագրության:

նի, 45. Աղապապեան, 46. Բարսեղեան, 47. Տօրեան, 48. Եսայեան – տաղարտը, 49. Գոչո Արթին, 50. Երջանիկ, 51. Ձենոր, 52. Խաչիկ, 53. Հրանդ, 54. Երևում, 55. Լևոն-2, 56. Ազրիկ, 57. Գանթարեան, 58. Կոզմոս, 59. Պէլլերեան, 60. Թաշճեան, 61. Հանեսեան, 62. Արամ, 63. Մելիք, 64. Տէօվլեթեան, 65. Քէհեանեան – այրհեստատը, 66. Մադսուգանեան, 67. Պասմաճեան, 68. Սելքոնեան, 69. Ջպճր – ճարտարապետ, 70. Արսլանեան, 71. Վարդերես – մուխթար, 72. Ֆէրուխան, 73. Սարաֆեան, 74. Աթոնեան, 75. Ճամպագ, 76. Հրաչ, 77. Մոմճեան, 78. Գալէնտէր, 79. Վաղինակ, 80. Գալֆայեան – պաշտօնեայ, 81. Պէլլերեան, 82. Պարոյր, 83. Նոյիկ – յանձնակատար, 84. Թաթարեան, 85. Քէօլեան, 86. Օհնիկեան-4, 87. Թէրլեմէզ – սեղանատը, 88. Տէր-Գեորգեան, 89. Պասմաճեան, 90. Գայրճճեան, 91. Ինճիճեան, 92. Գարակէօգեան, 93. Մանեսեան, 94. Դոնչէկիւ, 95. Փարիսեան, 96. Յ. Գորեան – վճռիկ, 97. Քերտրեան – պատուելի, 98. Թումանյան, 99. Պալազեան – ծ.վ.:

Մեր տևական պրպտումների սկզբում, հուշագիր տեղեկատվությամբ, հիմք ունենալով համրիչի 99-րդ հատի անվանակիր, վերապրող Գրիգորիս ծայրագույն վարդապետ Պալաքյանի «Հայ Գողգոթան» վավերագիրը¹, կարողացանք ճշգրտված ներկայացնել աքսորականների տարագրության տառապալից ուղին, որ է. Զանկրի - Զորում - Եռզկատ - Պողազլիան - Կեսարիա - Թումարգա - Կազալէ - Հաճրն - Սիս - Կարսպագար - Օսմանիյէ - Հասանալէլի - Իսլահիյէ, մինչ՝ Հալեա (մինչև այն հանգրվանը, որտեղից 1916թ. ապրիլի 2-ին հաջողվում է Գրիգորիս ծ.վ. Պալաքյանի փախուստը Պելեմետիկ):² Հետագա որոնումների ընթացքում նպատակ ունեինք պարզաբանել յուրաքանչյուր աքսորականի ինքնությունն ու անհատական Գողգոթան: Ի նպաստ այս ձեռնարկման հայտով դիմել ենք Սփյուռքին³, հանդես ենք եկել ռադիո-հեռուստատեսային հաղորդումներով, կապ ենք հաստատել մամակագրությամբ, մասնավոր հանդիպումներով: Արձագանքները սուր, բայց նշանակալի էին: Ընդհանրապես հանգուցյալ է ժենի Աթանասյան-Գյուլբոյանի բարեկամուհու՝ տիկին Մարգարիտ Բարսեղյանի բարյացկամության այսօր ունենք նրա և քրոջ՝ Շամիրամ Աթանասյանի համատեղ լուսանկարը: Համրիչի 4-րդ հատի անվանակրի թոռան, նույնանուն պարոն Միսաք Ճևահիրճյանի միջոցով ձեռք բերեցինք պապի կենսագրությունը և միակ լուսանկարը:⁴ 30-րդ հատի անվանակրի մասին, դարձյալ միակ լուսանկարով, մանրամասն հաղորդեց թոռնուհին՝ տիկին Բյուրակն Անդրեասյան-Չերազը:⁵ Պարոն Մ. Ճևահիրճյանը տրամադրեց մահ 1965թ. Թուրքիայում հրատարակված հանրագիտակ-պրակը՝ Զանդրորի վերաբերյալ տեղեկատվությամբ, համայնապատկերով ու քարտեզով, մահ 1953թ. հրատարակված Հայտար փաշայի տեղեկատու: Որոնումների ընթացքում օգտակար եղան Հ. Սկրտիչ Պոտուրյանի «Հայ հանրագիտակ»-ը⁶, Գառնիկ Ստեփանյանի կենսագրական եռահատոր բառարանը:⁷ Անդրադարձը ՀՍՀ և «Հայկական հարց» հանրագիտարաններին⁸ անակնկալների հանգեցրեց: Եթե առաջինում քերացումը քիչ քն շատ հասկանալի էր, մյուս պարագայում՝ անբացատրելի մնաց: Այաշը և Զադրոր, որպես աքսորավայրեր ներկայացված չեն՝ թեկուզ երկտող տեղեկատվությամբ: Եղեռնի, մանավանդ աքսորի և աքսորականների վերաբերյալ առկա տեղեկությունները մակերեսային են, վրիպումներով: Օրինակ՝ Ռուբեն Սևակի մասին (համրիչի N 5 հատի անվանակիր) բառացի կարդում ենք. «Չերակալվել է և աքսորի ճանապարհին (Այաշ), զազանաբար սպանվել այն խմբի (մեկնելուց 24 ժամ անց Կ. Պոլսից ստացվել է հիշյալ

խմբին ազատ արձակելու վերաբերյալ հեռագիր) հետ, որի մեջ էին Միամանթոն և Վարուժանը»:⁹ Պարզեմք իսկությունը: Միամանթոն Այաշի աքսորական էր. հրատարակված են մորը, քրոջն ու եղբորը հղած նրա մականներն այնտեղից:¹⁰ Ռ. Սևակն աքսորվել է ոչ թե Այաշ, այլ Չանղորը, և ոչ իսկ առաջին խմբի հետ, այլ առանձին, ինչպես տեղեկանում ենք Թեոդիկի «Յուշարձան Ապրիլ տասներմեկի» հրատարակությունից¹¹ (1919թ. այս հրատարակության էջերում իսկ, թերևս տեղեկատվության սղության պատճառով, Չանղորը հիշատակվում է երկու դեպքում):¹²

Թեոդիկի 1907-1929թթ. «Տարեցոյց»-ների¹³ էջերում բարեխիղճ մամրամասնությամբ տրվում է պոլսահայ կյանքն իր ընթացիկով, հետպատերազմյան շրջանում առանձնապես ուշագրավ փաստանյութով ու հուշագիր, այդ թվում և Չանղորի վերաբերյալ հուշերով, երբեմն թվացյալ հակասություններով, որոնք, սակայն, լուսաբանվում են համադիր, համակողմանի վերլուծությամբ: Օրինակ, աքսորականների թվական տատանումը՝ 150-300: Պարզվում է, նրանք աքսորավայր են հասել երկու խմբով¹⁴, նույնիսկ առանձին, ինչպես Ռ. Սևակի դեպքում է: Սենճան-Քեռյից Այաշի սպանդ թված 71-ը¹⁵ ներառյալ՝ այդ թիվն անցնում է 300-ից:

Խղստուն են համրիչին առկա անվանացանկի Հայոց ցեղասպանության վերապրածների հուշերը՝ առավել ևս այսօր, որպես ցեղասպանության վավերագրեր, նաև որպես համրիչին արձանագրված աքսորականներին առնչվող փաստերի վերծանման աղբյուրներ: Ահա դրանք. Գրիգորիս ծայրագույն վարդապետ Պալաքյանի (համրիչի N 99 հատի ազգանվանակիր) «Հայ Գողգոթան»¹⁶ վավերագիրը, Բյուզանդ Քեչյանի (համրիչի N 33 հատի ազգանվանակիր) «Դրուագ աքսորի շրջանն»¹⁷, Միքայել Շամտանճյանի (համրիչի N 41 հատի ազգանվանակիր) «Չանղորըն վերջիշումներ»¹⁸, «Հայ մտքին հարքը Եղեռնին»¹⁹, Օհանես Թերլեմեզյանի (համրիչի N 87 հատի ազգանվանակիր) «Պոլիս. մտատրականներու ձերբակալութիւնը եւ աքսորը»²⁰, Հովհան Կարապետյանի (համրիչի N 2 հատի անվանակիր) «Էջ մը աքսորականի հիշատակներես»²¹ հուշագրությունները:

Թեոդիկի «Տարեցոյց»-ի 1916-1920թթ. համահավաքում հնարավորինս ի մի է գալիս թե՛ Այաշից, թե՛ Չանղորից դիմումով, կամ զինադարձից հետո վերադարձած աքսորականների ամփոփ անվանացանկը, որոնցից չանղորականներինը ներկայացնում ենք ստորև:

«Ա. - Ջինադադարէն վերջ դարձողներ

Գրիգորիս Վ. Պալաքեան (Չանղորի տեղացի Հայուքեան հետ տեղահան, յետոյ աշխարհականի տարագով ապաստանած Պելմէտիկ-Ատանա) [համրիչի N 99 հատի ազգանվանակիր], Յովհան վրդ. (Չանղորի-Ուշագ) [համրիչի N 2 հատի անվանակիր], Ֆերիքօյի Վարդան քահանան (նոյնպէս) [համրիչի N 8 հատի անվանակիր], Գասպար Չերագ (Չանղորի-Ուշագ) [համրիչի N 30 հատի ազգանվանակիր], Արամ Անտոնեան (Չանղորիէն Էնկիւրի տարուած պահում սրունքը կոտրելով՝ ճամբան թողուած, Թարսուս-Հալէպ) [համրիչի N 35 հատի ազգանվանակիր], Մարգիս Սրենց (Չանղորի, Գօնիա, յետոյ Պօլիս՝ ծուարած) [համրիչի N 38 հատի անվանակիր], Մ. Շամտանճեան (Չանղորի-Ուշագ) [համրիչի N 41 հատի ազգանվանակիր], դեղագործ Գ. Հաճեան (Չանղորի) [համրիչի N 23 հատի ազգանվանակիր], առետր. դասէն՝ Ստ. Թաքարեան (Չանղորի, Կեսարիա՝ ուր ականատես կախաղուններուն, յետոյ Հալէպ) [համրիչի N 84 հատի ազգանվանակիր]»:²²

«Գ. - Դիմումներով արքայի դարձողներ

Լուսինյան վարդապետ [համրիչի N 1 հատի անվանակիր], Բիզանդ [համրիչի N 33 հատի ազգանվանակիր], տքք. Վ. Թորգոմեան [համրիչի N 11 հատի ազգանվանակիր], տքք. Տինանեան [համրիչի N 13 հատի ազգանվանակիր], Հայկ Խօճասարեան [համրիչի N 39 հատի ազգանվանակիր], Նշան Գալֆաեան [համրիչի N 26 հատի անվանակիր], Ե. Թօլայեան [համրիչի N 36 հատի ազգանվանակիր], Ա. Գալեմտեր [համրիչի N 78 հատի ազգանվանակիր], Նոյիկ Տ. Ստեփանեան [համրիչի N 83 հատի անվանակիր], դերձակ Վրթանէս Փափագեան (համանուն վիպասանին հետ շփոթուած) [համրիչին այս անունը չկա - Կ. Ա.]²³, Ինճիճեան [համրիչի N 91 հատի ազգանվանակիր], Պէյլէրեան որդի [համրիչի N 59 կամ N 81 հատի ազգանվանակիր]»:²⁴

Ըստ մեր պրպտումների՝ դիմումով վերջին ազատվողներն են եղել համրիչի NN15, 87 և 96 հատերի ազգանվանակիրները՝ ատամնաքույժ Ալքունյանը, սեղանավոր (դրամափոխ) Թերլեմեզը, վաճառական Գորեյանը, որոնք, սակայն, արքայապայրից դուրս գալով 1915թ. օգոստոսի 6-ին, Էնկյուրիում քանտարկվել են, քշվել՝ Տարսոն, այնտեղից Պոլիս են հասել սեպտեմբերի 22-ին:²⁵

Թեոդիկի «Տարեցոյց»-ի էջերում առկա են նաև խմբագրական անդրադարձներ, հայրենակցի կամ հարազատի փնտրատուքի դրվագներ, որոնց թվում գտնում ենք նաև խնդրո առարկա համրիչին արձանագրված անձանց առնչվող փաստեր: Այսպես՝ 1921թ. «Տարեցոյց»-ի խմբագրականը՝ «Խլեակ մը «Մեծ կարաւան»-էն» վերտառությամբ, Վահրամ Ասատուրյանի (համրիչի N 19 հատի անվանակիր) մասին է: Պարզվում է, որ վերջինս Կետիկ-փաշայից է, Չանդղորից Մեսքենն հասած վերապրող: Ավելորդ չէ մեջբերել նույն խմբագրականի հարցադրումը. «Կրնա՞նք երջանիկ սեպել զանո՞նք, որ տառապանքի նոյն սկզբնաւորութիւնն ու շարունակութիւնն ունեցան, բայց որ դարձան վերստին, այսինքն «անցան ընդ հուր և ընդ սուր» ու տեսան մահազին ոգորումներն իրենց ցեղին զաւակներուն՝ թշուառութեան մագիլներէն արցանուած: Մեզ համար, անձնիր վերապրող՝ կենդանի պատմութիւնն է վերջին Հայ Մարտիրոսութեան, որ ամբողջ ընդհանուր Ազգաց պատմութեան մէջ իր նմանը չունի»:²⁶ Ուշագրաւ է նաև, ցավոք մեզանում նվազ հայտնի՝ արևմտահայ գրող, թարգմանիչ, խմբագիր՝ արքայալ-վերապրող Միքայել Շամտանճյանի (համրիչի N 41 հատի ազգանվանակիր) անմիջական մտորումն այս կապակցությամբ. «Միտելի բացականերու վրայ խօսիլը, դարպաս մըն է անոնց յիշատակին: Իսկ ինձի համար, Չանդղորի վրայ խօսիլը, որ ա՛լ յաւիտենական բացական է, ապրիլ է այն սարսափը, որ ամէնուս եղաւ. անոնք՝ սարսափէն յետոյ, գացին կորուստի ճամբան, ու ինձի, թերեւս նախասահմանութեամբ մը, տրուեցաւ վերապրիլ, և խղճմտանքիս մէջ սգալ անոնց կորուստը»:²⁷

Ահա մի դրվագ ևս՝ նույն վերապրողի՝ Միքայել Շամտանճյանի «Զգացողութիւններ...»-ից. «Սկիւտար, 30 սեպտ. 1919 թվակիր: Մեռելներէն վերջ գորս կը թաղենք, ճակատագրականօրէն վատութիւն մըն է որ կը գործենք, նորէն քալելով այն հողերուն վրայ, ուրկէ անոնք անցան, և նորէն ապրելով կապոյտ երազը կեանքին, ուրկէ անոնք թերեւս բերկեցան: Ինչպէ՛ս ապրիլ առանց վատութեան, երբ անգամ մը սիրելիներդ գերեզմանակոյտերը յարդարած, անողորք աշխարհին ճամբաներէն պիտի ընթանաս»:²⁸

Եվս մի հավաստագիր-հուշագրություն՝ «Առնակ» ստորագրությամբ՝ Իսրայել Տխրունու (համրիչի N 44 հատի անվանակիր) մասին. «11 Մարտ 1916-ին մեր քաղքեն [Կուտինայից – Կ. Ա.] կանցնել 20-25 հոգինոց խումբի մը հետ, Միջագետքի մահասփիտ անապատները երթալու համար: Չէի կրնար հաւատալ, թէ Տխրունի՝ իբրեւ մին Ապրիլ 11-ի Չանկլըրը աքսորեալ-ներէն՝ ճողոպրած ըլլար անոնց բնաջնջումէն: ... կը սրսփար բոկոտն ու կիսամերկ... դատապարտեալ հետիոտն աքսորի».²⁹ Ուշագրավ մի փաստ, այս վիճակում իսկ բանաստեղծը, կորստից փրկելու հույսով երեք քերթված համձնում է հուշագրին, որոնցից մեկը՝ դեկտեմբեր, 1915 թվակիր, վերջինս ուղարկում է Թեոդիկին.³⁰

Նույն հատորյակում գետեղված է Ջենոբ Սուրենյանի նամակ-դիմումը՝ Թեոդիկին, որով իր եղբոր, բանաստեղծ Հրաչյա Սուրենյանի (նույն ինքն՝ Արմեն Տորյան, համրիչի N 47 հատի անվանակիր) վերաբերյալ հիշողություններ է ակնկալում վերապրողներից:³¹ Ի արձագանք այս դիմումի ներկայացված է Նշան Գալֆայանի (համրիչի N 26 հատի անվանակիր) հուշածվենը, հույժ կարևորվող տեղեկատվությամբ՝ այն է. «Չանդըրիի աքսորավայրիս մէջ ճանչցայ Տօրեանը (համրիչի N 47 հատի ազգանվանակիր). 2-րդ խումբին հետ եկած նետուած էր հոն, Փարիզէն Պոլիս եւ հոնկէ ալ լեալէպիճիներու հայրենիքը. կ'անգիտամար, թէ ինչո՞ւ բերած ձգած էին զինք այդ կիսավայրենի քաղաքը՝ որուն քիչ յետոյ կառավարիչ կարգուեցաւ Տէօրթ-Եօլի երբեմնի կառավարիչ հրէշ Ասաֆը: Բախտն այնպէս բերաւ որ «Գայսէրի փողոց»-ին յոյն տան մը մէջ պահ մը բնակակից ըլլամ երիտասարդ քերթողին, տարաբախտ Զաջունի քահանայի [համրիչի N 3 հատի ազգանվանակիր], դեղագործ Յ. Թերզեանի [համրիչի N 25 հատի ազգանվանակիր], վաճառական Ներսէս Գեորգեանի [համրիչի N 88 հատի ազգանվանակիր], հօրեղբօրորդոյս՝ Յարութիւնի [համրիչի N 80 հատի ազգանվանակիր] եւ խումբ մը սկիւտարցիներու: Շատ անգամ գրական ու գեղարուեստական հաւաքումներ կը սարքէինք՝ մեր ընդարձակ եւ օղաւետ բնակարանին մէջ. Տօրեան իր ֆրնս. քերթուածներէն արտասանութիւններ կ'ընէր՝ հիացնելով բոլորս ալ... Սկիւտարցի Ճերրահ Գեորգի տղան ալ [հավանական է՝ Ֆերովսանը, համրիչի N 72 հատի անվանակիր, կամ՝ աքսորյալների մէջ եղել է մեկ այլ ջութակահար – Կ. Ա.] իր ջութակով հաճելի պէսպիսութիւն մը կ'աւելցընէր այս գրական ասուլիսին վրայ».³²

Խնդրո առարկա համրիչին առնչվող՝ մեր հետազոտությանն ի նպաստ՝ մի շարք վկայություններ կան Եդ. Չարենցի անվան գրականության և արվեստի պետական թանգարանի ֆոնդերում: Այսպես՝ մեմորիալ քաժնում Արշակ Ալպոյաճյանի հայ եկեղեցական, մտավորական և ազգային գործիչ նահատակների ցանկն ընդգրկում է համրիչի քսանվեց աքսորականների անուն-ազգանունները՝ Կոմիտաս վարդապետ (համրիչի N 1 հատի անվանակիր) Սողոմոնեան, Յուսիկ քահանա Զաջունի (համրիչի N 3 հատի ազգանվանակիր), բժիշկ Ռուբեն Չիլինկիրեան (Սեւակ՝ համրիչի N 5 հատի անվանակիր), բժիշկ Ստեփան Միսքեան (համրիչի N 6 հատի ազգանվանակիր), Գրիգոր Միսքեան (համրիչի N 22 հատի ազգանվանակիր), Յ[ակոբ] Թերզեան (համրիչի N 25 հատի ազգանվանակիր), Ասատուր Արսէնեան (համրիչի N 28 հատի ազգանվանակիր), Պօղոս Դանիէլեան (համրիչի N 29 հատի ազգանվանակիր), Տիրան Զէլէկեան (համրիչի N 32 հատի ազգանվանակիր), Ներսէս Շահնուր (համրիչի N 37 հատի ազգանվանակիր), Դանիէլ Վարուժան (համրիչի N 40 հատի անվանակիր),

Երուանդ Չավուշեան (համրիչի N 42 հատի ազգանվանակիր), Միհրան Թապագեան (համրիչի N 43 հատի ազգանվանակիր), Արիս Իսրաէլեան (համրիչի N 44 հատի անվանակիրը՝ Տխրունի), Լեւոն Աղապապեան (համրիչի N 45 հատի ազգանվանակիր), Արմեն Տօրեան (համրիչի N 47 հատի ազգանվանակիր), Արամ Երջանիկ (համրիչի N 50 հատի անվանակիր), Հրանդ Մ. Կիւրճեան (համրիչի N 53 հատի անվանակիր), Օննիկ Մաղազաճեան (համրիչի N 66 հատի ազգանվանակիր), Յարութիւն Գալֆայեան (համրիչի N 80 հատի ազգանվանակիր), Հայկ Թիւրեաքեան (Հրաչ) (համրիչի N 76 հատի անվանակիր), Գեօրգ Զեօլէեան (համրիչի N 85 հատի ազգանվանակիր), Գրիգոր Օհնիկեան, Մկրտիչ Օհնիկեան, Յովհաննէս Օհնիկեան (համրիչի N 86՝ Օհնիկեանք-4, նույն ազգանվանակիրներից երեքը), Սամուէլ Թօմաճեան (համրիչի N 98 հատի ազգանվանակիր):³³

Ուշագրաւ է մեծն Կոմիտասին վերաբերող ծանոթագրությունն այստեղ. «Ծանօթ. – Նահատակներու անուանացանկին մէջ դրուած է նաեւ Կոմիտաս վարդապետը, որ ֆիզիքապէս ողջ վերադարձած է աքսորէն եւ բանտերէն, սակայն, ի գործ դրուած չարչարանքներու հետեւանքով՝ հոգեպէս ան խիստ վնասուած ըլլալով, յարմար տեսանք զայն եւս նահատակներու կարգը դասել»: ³⁴

ԳԱԹ-ի Վահրամ Թորգոմյանի (համրիչի N 11 հատի ազգանվանակիր), ֆոնդում է գտնվում վերջինիս՝ աքսորից ազատարձակման հրամանագիրը՝ (պատճենը) և դեռ հետագա ուսումնասիրություն են ակնկալում նրա թուրքերեն երկտողերը Մեքքերհանեից ու Չանդլորից, որոշու և կնոջ պատասխանները: ³⁵ Հիշարժան են նաև 1918թ. դեկտեմբերի 10-ին և 16-ին Արշակ Չոպանյանին հղված նրա նամակները ³⁶, որոնք անդրադարձ են և՛ անցած արհավիրքին՝ Այաշի և Չանդլորի հիշատակությամբ, և՛ օրախնդիր հարցերի՝ հատկապես «Հայկական լիկ»-ի կազմակերպման կապակցությամբ, այն դիտելով որպես Ազգային խորհուրդ, խորհրդակցական ժողով՝ րեկված ժողովրդի ուժերը համախմբելու, կուսակցական ընդհանուր համերաշխություն ապահովելու, Հայ դատի պաշտպանության նպատակադրությամբ:

Ուշագրաւ են նաև Դանիել Վարուժանին (համրիչի N 40 հատի անվանակիր) առնչվող նյութերը, որոնք հիմնականում ամփոփագրել, ծանոթագրել ու հրատարակել է Ա. Շարարյանը: ³⁷ Դրանք են. Վերծին Էքսերճյանի «Հանդիպումս Դանիել Վարուժանի հետ» ³⁸, Հովհաննէս Պողոսյանի «Վարուժանի վերջին գիշերը» ³⁹, Արամ Անտոնյանի (համրիչի N 35 հատի ազգանվանակիր) «Վարուժանն աքսորյալ» ⁴⁰, Հովհան Կարապետյանի (համրիչի N 2 հատի անվանակիր) «Էջ մը աքսորականի հիշատակներես» ⁴¹, «Կառապանի մը պատմությունը» ⁴² հուշագրությունները, որոնք մանրամասնում են ողբերգական իրողությունը:

Ավելացնենք, որ Չանդլորին, որպես Ապրիլ 11/24-ի աքսորյալների հանգրվանի, անդրադարձել է նաև Հ. Ճ. Միրունին՝ իր «Կոմիտասին հետ» աշխատության էջերում: ⁴³

Վերապրողների հետպատերազմյան գործունեության վերաբերյալ ևս տեղեկանում ենք ինչպես Թեոդիկի «Տարեցոյց»-ներից, այնպես էլ՝ պոլսահայ մամուլից: Այսպես 1918-ին կազմված, 1919-ին՝ վերակազմյալ «Հայկական լիկ»-ում գործում էին Վ. Թորգոմեանը (համրիչի N 11 հատի ազգանվանակիր), Յ. Թօփճեանը (համրիչի N 7, կամ N 34 հատի նույնազգանվանակիրներից՝ մեկը), Յովհան վարդապետը (համրիչի N 2 հատի անվանակիր), Ա. Բարսեղեանը (համրիչի N 46 հատի ազգանվանակիր): ⁴⁴

Վերջին տարիների հրապարակումներում ուշադրության է արժանի Արծվի Բախչինյանի «Ծագումով հայեր են» տեղեկատու, որը ոչ միայն ազգանունների ցանկով քաղում համընկումներ ունի համրիչի անվանացանկի հետ, այլև տեղեկություններ է պարունակում մահատակների հետնորդների մասին: Օրինակ՝ Տիրան Զելեկյանի (համրիչի N 32 հատի ազգանվանակիր) մասին տեղեկատվությունն ամբողջանում է որդու՝ Գրիգոր Զելեկյանի վերաբերյալ մանրամասնով: Իրոք՝ հետաքրքրություն են ներկայացնում ոչ միայն համրիչի անուն-ազգանվանակիր մահատակներին կամ վերապրողներին, այլև նրանց հետնորդներին, ժառանգներին առնչվող տեղեկությունները: Մասնավորապես՝ Գրիգոր Զելեկյանը 30-40-ական թվականներին Ֆրանսիայի ջազի ճանաչված դեմքերից էր և համարվում է թուրքական ջազի հիմնադիրը:⁴⁵ Վարդերես Աթանասյանի [համրիչի N 71 հատի անվանակիր] դուստրը՝ Ժենի Աթանասյան-Գյուլբոյանն իր որդեակի ներդրումն է ունեցել Ֆրանսիայի «Հայ ազգային ճակատ»-ի գործունեության ոլորտում:⁴⁶ Քաջունի քահանայի (համրիչի N 3 հատի ազգանվանակիր) Եզնիկ և Եղիշե որդիները, Գասպար Չերազի (համրիչի N 30 հատի ազգանվանակիր) որդու՝ Վահանի հետ մեկտեղ Անդրանիկի գորքի կամավորականներն էին⁴⁷ (վերջինս՝ Վահանը հետագայում դարձավ ստալինյան բռնադատության զոհ): Յեղասպանության զոհերի ժառանգների ճակատագրին առնչող ծավալում այս թեման կարոտ է հետզա ուսումնասիրության:

Ուշագրավ է մեկ այլ փաստ. Հայաստանի հայրենակցական միությունների խորհրդի «Բնօրրան» հանդեսում զետեղված է ՀՀ մախսազաիի 1995թ. մարտի 6-ի հրամանագիրը՝ Հայաստանում կացության հատուկ կարգավիճակ ստացած սփյուռքահայերի վերաբերյալ՝ շուրջ 286 անուն-ազգանունների ցանկով:⁴⁸ 286 ազգանուններից 20-ը համընկնում է Չանդրըի աքսորականների ցանկին՝ արձագանքների նոր ակնկալիքներ արթնացնելով: Ի դեպ՝ այս նկատառումով, նույն համդեսի էջերում ևս հրատարակեցինք համրիչի ազգանվանացանկը:⁴⁹

Գրիգորիս ծայրագույն վարդապետ Պալաքյանը (համրիչի N 99 հատի ազգանվանակիր) իր «Հայ Գողգոթայի» մախսամուտում արձանագրում է. «Էր երբեմն, երբ հին զանազան դարերում՝ հայ ազգը հալածաբար մեկ պատմությիւն ունէր: Իսկ այս օր ո՞հ ամէն մահատակուած եւ վերապրող հայ՝ իր մասնատր սեւ օրերու պատմութիւնը ունի, եւ այս մէկն է այդ հարիւրհազարաւոր պատմութիւններէն... Բայց զրի առի, որովհետեւ սրբազան կտակ մը ունէի, մահատակութեամբ սրբացած քու մեռնող զաւակներէդ»:⁵⁰

Այս էր մահատակի պատվիրանն ու պատգամը վերապրողին՝ ի ծանուցում զայիք սերունդներին:

Ուլունքաշար անվանացանկն՝ առկա պրպտված նկարաշարով այսօր արդեն ինքնին առավել քան խոսում է: Ի ամփոփումն ներկա հրապարակման՝ ներկայացնում ենք ուլունքաշար համրիչի անվանացանկը, աշխատանքի արդյունքում ի հայտ բերված մեր մեկնաբանումներով, նոր արձագանքների ակնկալությամբ.

1. Կոմիտաս վ. – Սողոմոնյան, ծնվ. Քեոթահյա (1869-1935): Չերքակալվել է Պոլսում ապրիլի 11-ին (հին տոմար), ազատման հրամանը, դիմումով, աքսորավայր է հասել նույն ամսվա 26-ին, 28-ին մեկնելով, Պոլիս է վերադարձել մայիսի 2-ին, միջնորդությամբ Մեծիտ իշխանի և ամերիկյան դեսպան Մորգենթաուի:

2. Յովհան Վ. – Կարապետյան, վերապրող, վերադարձել է զինադադարին՝ Ուշագից, ուր հասել էր Չանդղըրից:
3. Քաջունի քննյ – Հուսիկ (1851-1916), արաբկիրցի է, դաշնակցական, վախճանվել է Տեր Ջորի ճանապարհին, Մեսքենեի մոտակայքում՝ Համմամ կայանում:
4. Ճեվահիրճի – Միսաք, կեսարացի է (1858-1924), դատաստանական խորհրդի անդամ, բժիշկ: Աքսորից ազատվել է արքունի կանանց (զինեկուղ էր) և իր գործընկերոջ Բեսիմ Օմեր փաշայի միջնորդությամբ:
5. Ռ. Մեուկ – Չիլինկիրյան (1885-1915), բանաստեղծ, բժիշկ, հանրային գործիչ: Նահատակվել է Չանդղըրի և Գալյաճըքի ճանապարհին՝ Թյունե կոչված վայրում (13/26-08.1915):
6. Միսքենան – Ստեփան (1852-1915), կայս. բժշկանոցից վկայված բժիշկ, մանկաբարձ և վիրաբույժ, Օրթաքեռյի բնակիչ, որի կաթուղի եկեղեցու թաղային խորհրդի անդամն էր: Նահատակվել է Էնկյուրիի մոտ:
7. Թօփենան – Հակոբ, ռամկավար, հանրային գործիչ, խմբագիր, վերապրող:
8. Վարդան քննյ – Գարակեոզյան, ֆերիքեռյի քահանա, վերապրող:
9. Գ. Ճելալ – Գրիգոր, հնչակյան գործիչ, վերապրող:
10. Գազազենան – բժիշկ-դեղագործ, հանրային գործիչ, վերապրող:
11. Թորգոմենան, բժիշկ – Վահրամ (1858-1942), բժիշկ, հանրային գործիչ, վերապրող: Աքսորից ազատվել է Սեճիտ իշխանի (իշխանի ամձնական բժիշկն էր) միջնորդությամբ:
12. Պօղոսենան – այս ազգանունը կա Գրիգորիս ծայրագույն վարդապետի Այաշի աքսորելոց ցանկում – ջլախյաբույժ, վերապրող (պարզաբանման կարիք կա):
13. Տինանենան – Բարսեղ, բժիշկ, հանրային գործիչ, վերապրող (1919թ. ապրիլի 11-24-ի սգահանդեսի հանձնախմբում էր):
14. Միրզա – Քեթենճյան, դաշնակցական գործիչ, վերապրող, 1920-ին Ուրֆայում թուրքերի դեմ ժողովրդի պայքարը ղեկավարողներից էր:
15. Աթունենան-ատամնաբույժ – Վահան, ատամնաբույժ, վերապրող: Դիմումով ազատվել է 1915թ. օգոստոսի 6-ին, ճանապարհին՝ բանտարկվել Էնկյուրիում, ըջվել Տարսոն, որտեղից Պոլիս է հասել սեպտեմբերի 22-ին:
16. Կիլիստան – ատամնաբույժ, վերապրող, որի, հավանաբար ազգականը, Մելքոն անունով, Այաշ էր աքսորվել (դարձյալ Պոլիս դարձած):
17. Ջարեհ – համրիչն այս անձը վկայող դեռ միակ աղբյուրն է:
18. Եզնիկ – համրիչն այս անձը վկայող դեռևս միակ աղբյուրն է:
19. Ասատուր Վ. – դեղագործ – Վահրամ Ասատուրյան, Կեստիկ փաշայից, վերապրող: Մեսքենեում ծառայելով որպես բժշկի օգնական մեծապես օգնել է այդտեղով անցնող տարագիր հայությամբ:
20. Մանիկենան – Պետրոս, դեղագործ և հանրային գործիչ, վերապրող:
21. Ջարիֆենան – Ավետիս, դեղագործ և հանրային գործիչ, վերապրող:
22. Միսքենան – Գրիգոր (1865-1915), դեղագործ, նահատակվել է բժիշկ եղբոր՝ Ստեփանի հետ (համրիչի N 6 հատի անվանակիր), Էնկյուրիի մոտ:
23. Հաճենան – հայտնի է անվան առաջին տառը՝ Գ, դեղագործ, զինադադարին վերադարձել է:
24. Ղազարոս – համրիչն այս աքսորականի մասին վկայող միակ աղբյուրն է:
25. Թերզենան – Հակոբ (1879-1915), հաճնցի, դեղագործ, հնչակյան գործիչ, նահատակվել է Էնկյուրիի մոտ:

26. Նշան – Գալֆայան (1865-?), ճարտարագետ, երկրագործ, հանրային գործիչ, վերապրող: 1924թ. տեղափոխվել է Հունաստան, 1927-ին՝ հրավիրվել Իրան, որպես շահի կալվածքների գիտական ճյուղի պետ: Ընտրվել է ֆրանսիական ակադեմիայի թղթակից անդամ:
27. Նարեկիլեճեան – Հակոբ, զինվորական դեղագործ, հանրային գործիչ, վերապրող:
28. Արսենեան – Ասատուր, դեղագործ, մահատակվել է Տեր Զորում:
29. Դանիելեան Պ., փաստաբան – Պողոս, փաստաբան, դաշնակցական գործիչ, Երզրատցի (?), մահատակվել է Տեր Զորի կողմերում:
30. Չերազ – Գասպար (1850-1928), փաստաբան, աքսորվել է մեծանուն եղբոր՝ Մինաս Չերազի փոխարեն, զինադադարին՝ վերադարձել Ուշագից, (հայրը՝ Վահան Չերազի), ջարդարարների դատավարության վկաներից էր, ապա՝ կորցրել է հոգեկան հավասարակշռությունը:
31. Մովսես – Պետրոսյան, ուսուցիչ, դաշնակցական գործիչ, բուլղարահայ լինելով ազատվել և մեկնել է Մոֆիա:
32. Զելեկ-խմբագիր – Տիգրան, Տիգրան (1862-1915), «Մապահ» թերթի խմբագրապետը, ռամկավար ատենապետ, մահատակվել է Մերաստիո Ալիս գետի (Գըզուլ լըմաք) կամրջի մոտ, իբր՝ պատերազմական ատյան տարվելու ճանապարհին (ջրամույն է արվել):
33. Բ. Զեչեան – Բյուզանդ (1859-1928) «Բյուզանդիոն»-ի խմբագրապետը, դիմումով Պոլիս վերադարձած առաջին խմբից:
34. Թօփեան – հավանաբար կրկնություն է N 7-ի, կամ՝ երկրորդ մույնագանվանակրի համար համրիչը դեռ միակ աղբյուրն է:
35. Անտոնեան – Արամ (1881-1952), Չանդլորից Էնկյուրի՝ սպանող տարվող 2-րդ խմբից միակ փրկվածը՝ ոտքը կտրտվելով ճանապարհին թողնվելու պատճառով: Գրող, հրապարակախոս, խմբագիր, «Մեծ ոճիրը» վավերագրի հեղինակը, Մոդոմոն Թեհլերյանի դատավարության վկաներից:
36. Թօլայեան – Երվանդ (1883-1937), երգիծաբան, «Կավոռ» թերթի խմբագիրը, դիմումով ազատված առաջին խմբից, զինադադարից հետո ունեցել է մակ թատերական գործունեություն (1918-1922-ին):
37. Շահնուր – Ներսես, կեսարացի, Բերայի Ս. Գր. Լուսավորչյան Կաթողիկե վարժարանի երիտասարդ ուսուցիչ, մահատակ:
38. Ս. Մրենց – ուսուցիչ – Մարգիս Գըլճյան (Մրենց), գրագետ, ուսուցիչ, խմբագիր, դաշնակցական գործիչ, վերապրող: Աքսորավայրից փախել է Գոնիա, ապա՝ Պոլիս:
39. Խոճասարեան – Հայկ, բազմավաստակ ուսուցիչ և հանրային գործիչ, ազգային երիտփոխան, վերապրող:
40. Վարուժան – Դանիել (1884-1915), բանաստեղծ, Բերայի Ս. Գր. Լուսավորչյան վարժարանի տեսուչ, դաշնակցական, մահատակվել է 13/26.08. 1915-ին, Թյունեում, որդու ծնվելու օրը:
41. Շամտանճեան – Միքայել (1874-1926), ուսուցիչ, գրագետ, խմբագիր «Ոստան»-ի, թարգմանիչ, հանրային գործիչ, վերապրող, զինադադարին Ուշագից Պոլիս դարձած:
42. Չավուշեան – Երվանդ (1867-1916), ուսուցիչ, վերակազմյալ հնչակյան, վախճանվել է Համամում (կայան՝ Եփրատի եզերքին, Մեսքենեի և Տեր Զորի միջև) Հուսիկ Զաջունի քահանայի հետ, մույն վրանում:

43. Թապագեան – Միհրան (1878-1915), ուսուցիչ, գրագետ, դաշնակցական, նահատակ:
44. Տխրունի - Արիս Իսրայելյան (1885-?), ուսուցիչ, բանաստեղծ, դաշնակցական, 1916-ի դրությամբ ծվարել էր Գումիայում:
45. Աղապապեան – Լեվոն (1887-1915), Բաղեշցի, քվագետ, խմբագիր, նահատակ:
46. Բարսեղեան – Արմենակ, Ներսիսյան ճեմարանն ավարտած, Բեռլինում փիլիսոփայություն ուսումնասիրած ուսուցիչ, Բերայի բնակիչ, դաշնակցական, վերապող:
47. Տօրեան – Արմեն (Հրաչյա Սուրենյան) (1892-1915), բանաստեղծ, ուսուցիչ: Չանդորը է բերվել երկրորդ խմբի հետ, որտեղից Էնկյուրի՝ սպանող է քշվել ու նահատակվել:
48. Եսայեան, տաղարտը – Գրիգոր (?):
49. Գոչո Արթին – Բեքմեզյան (?), Օրթաքենոյի հացավաճառ, նահատակել է Թյունեյում 13/26.08. 1915-ին:
50. Երջանիկ – Արամ «Երջանիկ» (1865-1915), գավառացի ձեռներեց, սեփականատերը՝ Պահճե Գափուի համանուն ճաշարանի, ուր հավաքվում էին մտավորականներ և այլ գործիչներ (այդ պատճառով էլ՝ արտորվել է): Նահատակ:
51. Ջենոբ – համրիչը դեռ միակ աղբյուրն է այս աքսորականի վերաբերյալ:
52. Խաչիկ – Պարտիզպանյան (?), Պերպերյան(?):
53. Հրանդ – Մելքոն Կյուրճյան (?):
54. Երևում – ծխախոտի մաքսանենգ, իր համարձակ կերպարով Վարուժանին այնքան զրաված մեկը, որ ուզում էր նրան բանաստեղծություն նվիրել. «Եվ իսկապես կարժեք», - նկատում է Արամ Անտոնյանը (համրիչի N 35 հատի անվանակիր):
55. Լեւոն-2 – Պարտիզպանյան եվ Գայրզճյան. առաջինը (1887-1915)՝ բժիշկ. Օսմանյան բանակում հարյուրապետի աստիճանի իր համագեստով ձերբակալված և աքսորված: Հանրային գործիչ, դաշնակցական, վերապող: Երկրորդը՝ վաճառական, որն իր Միհրան և Գևորգ եղբայրների հետ նահատակվել է Էնկյուրիում:
56. Ագրիկ – Քերեսթեճյան, ծնված Գարթալում (1855-1915), գյուղի «չօրպաճի»-ն և «Մեճիսը Իտարե»-ի ամդամ, ատաղձավաճառ, անկուսակցական:
57. Գանթաբեան – համրիչը դեռևս միակ աղբյուրն է:
58. Կոզմոս – համրիչն այս անձը վկայող դեռևս միակ աղբյուրն է:
59. Պեյլերեան – Հակոբ, վաճառական, հանրային գործիչ, վերապող, աքսորվել են հայր և որդի:
60. Թաշեան – Կարապետ, վերապող:
61. Հանեսեան – համրիչն այս անձը վկայող դեռևս միակ աղբյուրն է:
62. Արամ – հավանաբար Օհնիկյան որդիներից մեկն է՝ տարագետ, վերապող:
63. Մելիք – համրիչն այս անձը վկայող դեռևս միակ աղբյուրն է:
64. Տեօվլեթեան – Կարապետ, փողերանոցի պաշտոնյա, հանրային գործիչ, վերապող:
65. Քեհեանեան, արիեստատը – Վահան (Տեօքմեճի Վահան), ուրֆացի (1874-1915), Ջեյթունի Պրունիի գործարանի ձուլող, հնչակյան, ամբաստանվել է ուժանակ պատրաստելու կասկածով, դատապարտվել

- պատերազմական ատյանի կողմից, բանտից ազատվելով՝ արքորվել է Չանդրը, մահատակվել Թյունեյում՝ 13/26.08. 1915-ին:
66. Մադագաճեան – Օննիկ (1878-1915), Պապը Ալի Ճատտեխի «Վաթան»- («Հայրենիք») կազմատան տերը: Գումգափուի «Յառաջդիմասեր ընկերության» ատենապետ, մահատակվել է Թյունեյում՝ 13/26.08. 1915-ին:
 67. Պասմաճեան – Մանուկ, ճարտարապետ, մտավորական և հանրային գործիչ, վերապրող:
 68. Մելքոնեան – Միմոն, Օրթագեղեն, ճարտարապետ, վերապրող:
 69. Զպճը – ճարտարապետ – կաթուղի (?):
 70. Արալանեան – առևտրական (?):
 71. Վարդերես – մուխթար – Աթմասյան (1874-1916), Բերա, Ֆերիքեյի «մըլխթար»-ը, վերակազմյալ հնչակյան, համրիչը փորագրող արքորականն է, մահատակվել է Մեսքենեի կողմերում:
 72. Ֆերուխան – Բարունակ (1884-?), Ելեմտ մախարարության Մագրիքեյի մասնաճյուղի պաշտոնյա, ջութակահար:
 73. Մարաֆեան – Կարապետ (?):
 74. Աթունեան – մույնանուն-ազգանվամբ երկուսն են եղել. մեկն ատամնաբույժ (համրիչի N 15-ի ազգանվանակիր), վերապրող, մյուսը՝ առևտրական, մահատակ:
 75. Ճամպագ – Արիկ, հայ-հոռմեական՝ Բերայից, առևտրական, մահատակ:
 76. Հրաչ – Հայկ Թիրեաթյան (1971-1915), ազգային երեսփոխան, դաշնակցական, մահատակվել է Էնկյուրիում, իր իսկ դիմումով փրկելով իր փոխարեն Այաշ արքորված իր անուն-ազգանվանակից ծերունի մպարավաճառին:
 77. Մոմճեան – ռուս հյուպատոսարանի քարգմանիչ, մահատակվել է Էնկյուրիի մոտ:
 78. Գալենտեր - Արամ Գալետերյան, օսմանյան դրամատան պաշտոնյա, հանրային գործիչ, դիմումով դարձած վերապրող:
 79. Վաղինակ – Պարտիզպանյան, Շիրքեթի Խայրիեի պաշտոնյա, հանրային գործիչ, վերապրող:
 80. Գալֆաեան – պաշտոնեայ – Հարություն (1870-?), թալասցի, պաշտոնյա, հորեղբորորդին՝ համրիչի N 26-ի անվանակրի, մինչ արքորի օրը Մագրիքեյի քաղապետության մախազահն էր, հասարակական գործիչ, հայտնի դաշնակցական:
 81. Պէյլեռեան – արքորվել են հայր և որդի, վերջինիս վերաբերյալ տեղեկություն կա դիմումով ազատվելու մասին (հոր մասին տես՝ համրի N 59-ի ազգանվանակիր):
 82. Պարոյր – Արգումանեան(?):
 83. Նոյիկ – յանձնակատար – Տեր Ստեփանյան, երգնկացի, որի գերդաստանի քառասուն անդամները մահատակվել են: Արքորվել է կուսակցականներին զենք հայթայթելու մեղադրանքով, վաճառական, վերապրող:
 84. Թաթարեան – հայտնի են Ստ. անվանատառերը, հավանաբար՝ Ստեփան, առևտրական, վերադարձել է զինադադարից հետո Չանդրը-Կեսարիա-Հալեպ ճանապարհը կտրելով:
 85. Զեօլեան – Գեորգ կամ Հովհաննես, Օհնիկյանների գործակիցը, մահատակվել է Էնկյուրիի մոտ:

86. Օհնիկեանք-4 – հայր և երեք որդիք. ա) հայրը՝ Գրիգոր, 75-ամյա տարիքում վախճանվել է Զանդրորում, բ) Արամ, տարրագետ, վերապրող. գ) Հովհաննես՝ վախճանվել է Պելեմետիկի մոտ՝ Հաճգորի, դ) Սկրտիչ՝ նահատակվել է Տեր Ջորում:
87. Թերլմեզ – սեղանատուր – Օհաննես, վանեցի, դիմումով ազատվել է օգոստոսի 6-ին, Էնկյուրիում բանտարկվել, քշվել Տարսոն, Պոլիս է հասել 1915-ի սեպտեմբերի 22-ին:
88. Տեր Գեորգեան – Ներսես, վաճառական:
89. Պասմաճեան – Մկրտիչ, զինավաճառ:
90. Գայրգճեան – Միհրան, վաճառական, նահատակվել է Էնկյուրիում, աքսորվել են երեք եղբայրն իրար հետ. Լևոնը՝ հավանաբար, համրիչի N 55-ի անվանակիցներից մեկն է, Գևորգը՝ համրիչին չի արձանագրված, վերջիններս նույնպես նահատակվել են Էնկյուրիում:
91. Ինճիճեան – Գառնիկ, վաճառական, հանրային գործիչ, դիմումով վերադարձած:
92. Գարակեօզեան – Թազվոր(?):
93. Մանեսեան – Աստվածատուր, վաճառական, վերապրող:
94. Դոնչեկիլ – Խոնճեկուլյան, ակնոցի վաճառական, վախճանվել է Մեսքենեի կողմերում:
95. Փարիսեան – Արտաշես, վաճառական, վերապրող:
96. Յ. Գորեան-վճռկն. – Հակոբ, յոթամասունամյա ակնցի վաճառական, երբեմն ուսուցիչ, աքսորից ազատվելու հրամանը հասել է 1915-ի օգոստոսի 6-ին, Էնկյուրիում բանտարկվել, քշվել է Տարսոն, որտեղից Պոլիս է հասել սեպտեմբերի 22-ին:
97. Քերոբեան, պատուելի – հուշագրություններում հանդիպում է միայն ազգանվան հիշատակմամբ:
98. Թումաճան – Սամուել Թումաճանյան, հնչակյան գործիչ, նահատակ:
99. Պալազեան ծ.վ. – Գրիգորիս ծայրագույն վարդապետ (1879-1934), քոբաթցի, փախուստը՝ Տեր Ջորի ճամապարհից կայացել է 1916-ի ապրիլի 2-ին, հասել է Պելեմետիկ՝ կերպարանափոխ՝ ծալտվել Գյուստավ Բերնշտայն անուն ազգանվամբ, ապա իր անձնական գողգոթայով վերապրել: Մոդոմոն Թեիլերյանի դատավարության վկաներից է: Կյանքի վերջին տարիներին ֆրանսահայ զաղուրթի հոգևոր առաջնորդն էր:

ԾԱՆՈԹԱԳՐՈՒԹՅՈՒՆՆԵՐ

- ¹ Պալաքեան Գրիգորիս ծ. վարդ. Հայ Գողգոթեան, հատոր Ա, Վիեննա, Մխիթարեան տպարան, 1922: Այդ մասին տես՝ Ավագյան Կարինե. Անգղազական ցուցանմուշ, կամ՝ վերագտնված Մասունք, «Գարուն», 1995, թիվ 8, էջ 72-75:
- ² Թեոդիկ. Ամենուն տարեցոյցը, Ազատ հայուն պատիկ հանրագիտարանը, Ժ-Ժ-Դ տարի, 1916-1920, Կ. Պոլիս, տպագրութիւն Բեշիշեան Կ., էջ 255-256:
- ³ Այդ մասին տես՝ Հայտ համայն սփյուռքին. «Յուցանմուշ, որ որք մի ժողովրդի ճակատագիր է արտահայտում», «Ազգ», 1995, դեկտեմբերի 28:
- ⁴ Այդ մասին տես՝ «Գարուն», 1995, թիվ 11-12, էջ 36-37:
- ⁵ Այդ մասին տես՝ «Ազգ», 1996, օգոստոսի 21:
- ⁶ Հայ հանրագիտակ, խմբագրեց Հ. Սկրտիչ վարդ. Պոստորեան Պարտիզակցի, 1938, թիւ 1, տպ. Պոլսքէշ, 1938:

- ⁷ Մտեփանյան Գառնիկ, Կենսագրական բառարան (հայ մշակույթի գործիչներ), 3 հատորով, հ. Ա., Եր., «Հայաստան», 1973, հատոր Բ, Եր., «Մովետական գրող», 1981, հատոր Գ, գիրք 1, Եր., «Խորհրդային գրող», 1990:
- ⁸ Հայկական սովետական հանրագիտարան (ՀՍՀ), հ. 1-12, Եր., 1974-1986, ՀՍՍՀ ԳԱ ՀՍ հանրագիտարանի գլխավոր խմբագրություն, Հայկական հարց հանրագիտարան, Եր., 1996, Հայկական հանրագիտարանի գլխավոր խմբագրություն:
- ⁹ Հայկական հարց հանրագիտարան, Եր., 1996, էջ 411:
- ¹⁰ Ազնավուրյան Գոհար. Անհայտ էջեր հայ նահատակների գրական ժառանգությունից, «Էջմիածին», 1965-Բ., էջ 49-51:
- ¹¹ Թեղիկ. Յուշարձան Ապրիլ տասնըմեկի, I հրատ, Կ. Պոլիս, տպագրություն Արգուման Օ., 1919, էջ 15:
- ¹² Թեղիկ. նույն հրատ., 1919, էջ 15, 47:
- ¹³ Թեղիկ. Ամենուն տարեցոյցը, Ա-ԺԷ տարի, տպագրություն Վ. եւ Հ. Տէր Ներսէսեան, Բէշիշեան Կ., Յովակիմեան Մ., Կ. Պոլիս, 1907-1923, ԺԸ տարի, տպագրություն Թիւրապեան Յ. Բ., Փարիզ, 1924, ԺԹ տարի, տպագրություն Մխիթարեան հարց, Վիեննա, 1925, Ի տարի, Վիեննոյի, Ս. Ղազար, Մխիթարեան տպ., 1926, ԻԱ տարի, Փարիզ, «Մասիս» տպ., 1927, ԻԲ տարի, Փարիզ, «Մասիս» տպ., 1928, ԻԳ տարի, Փարիզ, 1929:
- ¹⁴ Թեղիկ. Ամենուն տարեցոյցը, ԺԶ տարի, տպագրություն Յովակիմեան Մ., Կ. Պոլիս, 1922, էջ 42, նաև՝ ԺԹ տարի, տպագրություն Մխիթարեան հարց, Վիեննա, 1925, էջ 87:
- ¹⁵ Եղեռնի հետքերով, հրատարակատուն Տօնիկեան Կ. եւ որդիք, Պէյրութ, 1969, էջ 18-19:
- ¹⁶ Պալաքեան Գրիգորիս Ժ. վարդ., նշվ. աշխ.:
- ¹⁷ Թեղիկ. Ամենուն տարեցոյցը, ԺԶ տարի, տպ. Յովակիմեան Մ., Կ. Պոլիս, 1922, էջ 33-45:
- ¹⁸ Թեղիկ. Յուշարձան Ապրիլ տասնըմեկի, տպագրություն Արգուման Օ., Կ. Պոլիս, 1919, էջ 113-121:
- ¹⁹ Շամտանճեան Միքայէլ. Հայ մտքին հարկը եղեռնին. Աքսորականի մտածումներ եւ զգացողություններ (Ազգային քաղաքական մատենաշար), տպագրություն Արգուման Օ., Կ. Պոլիս, 1919:
- ²⁰ 1915 - Աղէտ եւ վերածնունդ, աղետնէ վերապրողներ, Փարիզ, տպագր., Արաքս, 1952, էջ 236-242:
- ²¹ Միսաք Մեծարեւոյցը և Դանիել Վարուժանը ժամանակակիցների հուշերում, կազմեց և ծանոթագրեց Ա. Շարուրյանը, Եր., «Մովետական գրող» հրատ. - 1986, էջ 267-271:
- ²² Թեղիկ. Ամենուն տարեցոյցը, Ժ-ԺԴ տարի, Կ. Պոլիս, տպագրություն Բէշիշեան Կ., 1916-1920, էջ 114-115:
- ²³ Համբիչին չկա նաև բողոքական գրածախ Պարոնեանի ազգանունը, որի մասին տեղեկանում ենք համբիչի N 41 հատի ազգանվանակիր Մ. Շամտանճեանի հուշագրությունից. Թեղիկ. «Յուշարձան...», (Չանդողդուն վերոյիշումներ, էջ 113):
- ²⁴ Թեղիկ. «Ամենուն տարեցոյցը», Ժ-ԺԴ տարի, էջ 115:
- ²⁵ 1915. Աղէտ եւ վերածնունդ, աղետնէ վերապրողներ, Փարիզ, տպագր., Արաքս, 1952, էջ 239, 241-242:
- ²⁶ Թեղիկ. Ամենուն տարեցոյցը, ԺԵ տարի, Կ. Պոլիս, տպագրություն Յովակիմեան Մ., 1921, էջ 168:
- ²⁷ Թեղիկ. Յուշարձան Ապրիլ տասնըմեկի, Կ. Պոլիս, տպագրություն Արգուման Օ., 1919, էջ 113:
- ²⁸ Թեղիկ. Ամենուն տարեցոյցը, Ժ-ԺԴ տարի, Կ. Պոլիս, տպագրություն Բէշիշեան Կ., 1916-1920, էջ 62:
- ²⁹ Թեղիկ, նույնը, ԺԹ տարի, Վիեննա, տպագրություն Մխիթարեան հարց, 1925, էջ 79:
- ³⁰ Այդ մասին տես՝ նույն տեղում, էջ 80-83:

- ³¹ Նույն տեղում, էջ 86:
- ³² Նույն տեղում, էջ 87:
- ³³ Եղ. Չարենցի անվան գրականության և արվեստի պետական թանգարան (այսուհետ՝ ԳԱԹ), Ալպոյաճյան Ֆ., արխիվ 44, թթ. 1, 4:
- ³⁴ Նույն տեղում, թ. 4:
- ³⁵ ԳԱԹ, Վահան Թոգոմյանի ֆոնդ, թիվ 297-326, 330:
- ³⁶ ԳԱԹ, Արշակ Չոպանյանի ֆոնդ, թիվ 2464, 2466, I րաժին:
- ³⁷ Միսաք Մեծարենցը և Դանիել Վարուժանը ժամանակակիցների հուշերում, Սովետական գրող, Եր., 1986:
- ³⁸ Նույն տեղում, էջ 233-235:
- ³⁹ Նույն տեղում, էջ 252:
- ⁴⁰ Նույն տեղում, էջ 255-259:
- ⁴¹ Նույն տեղում, էջ 267-271:
- ⁴² Նույն տեղում, էջ 271-274:
- ⁴³ Միրունի Հ. ճ. Կոմիտասին հետ, «Էջմիածին», 1965 NN Ա, Ե-Ժ, 1966 NN Ա-Ձ, Ը-Ժ, 1967 NN Գ-Ձ, 1968 NN Ա-Դ, Է-Ժ, 1969 N Գ:
- ⁴⁴ Թեոդիկ. Ամենուն սարեցոյցը, Ժ-Ժ-Ն սարի, Կ. Պօլիս, 1916-1920, էջ 177-178:
- ⁴⁵ Բախչինյան Ա. Ծագումով հայ են, կենսագրական քառարան, Եր., «Ապոլոն» հրատ., 1993, էջ 305-306:
- ⁴⁶ Տեղեկատվությունը, ըստ համապատասխան փաստավավերագրի, ստացել ենք, այժմ համզոցյալ աիկին Էժենի Աթանասյան-Գյուլբոյանից, 1984 թվականին:
- ⁴⁷ Անդրեասեան Վազգեն. Վահան Չերազ եւ իր երգն Հայաստանի, Պէրմոթ, սպ. Սեւան, 1977:
- ⁴⁸ «Բնօրրան», 1996, թիւ 1-2, էջ 3, 1997, թիւ 1, էջ 3-5:
- ⁴⁹ Տես՝ Վերապրած մասունք կամ պատվիրան նահատակաց, «Բնօրրան», 1999, թիւ 1-2, էջ 120-121:
- ⁵⁰ Պալաքեան Գրիգորիս ծ. վարդ. Նշվ. աշխ., Վիեննա, Մխիթարեան տպարան, 1922, էջ Դ, Ե:

Резюме

Уцелевшая реликвия: свидетельство Геноцида.

Карине Авакян

Историко-ведческий очерк посвящен результатам историко-документального исследования одного из уникальных экспонатов Гос. музея истории Армении. Это четки, на 99-и бусинках которого вырезаны имена или фамилии 103 представителей армянской интеллигенции Константинополя (в отдельных случаях имеются краткие сведения о них), которые, по заранее запрограммированному Геноциду армян, были арестованы 11/24 апреля 1915г. и сосланы в Чанкри.

Четки вырезал ссыльный Вардерес Атанасян. В дальнейшем четки — этот достоверный свидетель Геноцида, через Дер-Зор попал в Константинополь, хранился как семейная реликвия, затем был перевезен в Париж, далее — в 1965г. дочь мученика Эженн Атанасян-Гюлеоян поларила реликвию Гос. музею истории Армении.

В результате историко-ведческих поисков автор статьи определил путь ссылки: с центральной тюрьмы Константинополя в Чанкри, оттуда ход к Дер-Зору, до Алено.

На основе ряда документальных источников-свидетельств, памятных записок, мемуаров и т. д. сделана попытка установить личность каждого упомянутого на четках ссыльного, его дальнейшую судьбу.

Благодаря скрупулезным поискам произведены фактические уточнения событий Геноцида. Представлен именной указатель.

Summary

A Survived Relic or Documental Evidence of Genocide.

Karine Avakian

This historical and scientific essay is devoted to the results of historical and documental research of a unique exhibit in the State History Museum of Armenia. It's a worry-beads on the 99 pieces of which are engraved the names and surnames of 103 victims, who were only a part of the whole number of the intellectuals arrested in Konstantinople and exiled on April 11/14, 1915. Together with some of the names there is a brief information.

The worry-beads were engraved by an exile – Varderes Atanasian. Afterwards this evidence of Genocide passed a way from Polis to Paris as a family relic, then to Armenia, and in 1965 it was given to the State History Museum of Armenia by the exile – martyr's daughter Ezheni Atanasian-Gyulbolian.

As a result of the study of the subject, due to the rummaging about the original sources, the process of the exile is represented: from the central prison of Constantinople to the place of exile Changhri, and through the unbearable way of Der Zor as far as Aleppo.

On the basis of a number of documents and memories concerning the Genocide an attempt is made to determine the personality of each exile whose name is engraved on the worry-beads, and find out their further fate.

Due to the scrupulous rummage are made more precise definitions of the events concerning the question of Genocide. A brief information is represented as well.